

Tassinga five *Tosinga*, inter multas alias Insulas, prope Opidum Fionia *Swineburgum*, præcipua, milliare in *Tosinga*.
longitudine habens, in qua præter aliquot parochias, curia est *Kettorp*, ad Rosenkransios & Rantzovios spe-
ctans. Ex hac Insula, ab Opido Ascens, in Iutiam duo sunt milliaria, ex Niburgo in Zelandiam quatuor mil-
liarium per mare Balthicum trajectus, alioqui admodum periculosus, præsertim mari procellis exagitato. Nam
cum Orientalis pelagi unda, ex tot fluminibus jugiter illabentibus aucta, inter tam multas Insulas exitum que-
rens, in modum torrentis, velocissimo cursu protrudatur, facile contingit, ut ventis a diversa parte obluctanti-
bus, fluctus in immensum attollatur: Nautæque undarum ambiguis vorticibus, periculose implicentur, unde
multi in hoc trajectu absorpti feruntur. *Aroe*, in aditu Slesvicensis Ducatus sita, ubi in Fioniam per Arsensem
five Ottensem sinum, ad Opidum Ascens, trajicitur. Quatuor est distinctis habitata pagis. Sunt & Insula *Rom-
so*, *Endelo*, *Ebelo*, *Femio*, *Boko*, *Brando*, *Toroe*, *Aggernis*, *Hellenis*, *Jordo*, *Birckholm* etc. Hæc de Fionia Insulisq; circum-
jacentibus dicta sufficient. Quibus hoc loco potius quam nusquam descriptionem Insula *Huena* in celebri
Porthmo Regni Dania quem vulgo *Oersund* vocant, sita, Coronidis quasi loco libet adjicere: in qua Arx *Vra-
niburgum* dicta, quamplurimis, varia exactaque ratione, elaboratis Machinis Astronomicis referta. Hujus In-
sula medium ubi Arx ipsa consistit, elevationem Poli quinquaginta quinque, 54 cum dimidio graduum obtinet
& ab Occasure movetur partibus 37 fere. Habet autem in circuitu 8160 passus majores, quorum quilibet 5 pe-
dum assumitur, unde duo quasi milliaria Germanica mediocria in ambitu adæquat. Quæ, cum in celeberrimo
totius Regni Fræto, per quod quamplurimæ naves ab Orientali in Occidentale mare, & vice versa jucundo pro-
spectu transeunt, constituatur, quædam etiam hujus Regni præcipua Opida in propinquo circuitu prospicit.
In Zeladia Hafniam versus Libonotum tribus milliariibus distantem, Helsingoram, ubi naves prætereuntes sol-
vunt vectigalia, & Arcem Croneburgum versus Circium duobus milliariibus. Totidem etiam Helsingburgum in
Septentrionem, idque in Scaniam littore distat, in quo etiam Landiskronia, unico saltem milliari disita. Versus
Eurum patet Lunda, quæ licet maritima non sit, tamen hinc spectatur versus Meseurum distantia 4 milliarium.
Malmogia vero Vpophanicem respicit, remota milliariibus quinis. Licet vero non admodum magna sit, nulla
tamen ejus pars ociosa & sterilis existit, estque ferax Frugum, & Iumentis abundat, alit Damas, Lepores, Cuni-
culos & Perdices magna copia, ac piscaturæ apprime oportuna est. Silvulam habet ex Corylis, ubi nulla
Nucum vermiculis unquam infecta visa est, ut neque Glires hæc terra paritur. Olim quatuor Arcibus in-
signis erat, quarum nomina adhuc recensentur: *Synderburga*, quæ versus Meridionale littus sita erat, quem-
admodum *Nordburga* oppositas partes circa Boream obtinebat. *Karhecidia* vero Ortum hyemalem, velu-
ti *Hamera* æstivum respiciebat. Harum quatuor Arcium fundamenta adhuc conspiciuntur, sed rudera nulla
sunt residua. Licet vero Insula hæc admodum alte inter marinam salsedinem exsurgat, rivulos tamen & fon-
tes aquæ dulcis non paucos habet. Estque inter alios fons, qui nulla unquam hiberni frigoris vehementia con-
gelatur, quod alias in his Regionibus est rarissimum.

Situs.

Mare.

Aroe.

Situs.

Huena.

Situs.

Soli fertilitas.

Animalium va-

rietas.